



Broj:
Maglaj:

PRIJEDLOG

Na osnovu člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), a u vezi sa članom 3. stav (1) tačka e) Zakona o finansiranju političkih stranaka („Službeni glasnik BiH“, br. 95/12 i 41/16) i člana 31. Odluke o izvršavanju Budžeta Općine Maglaj za 2023. godinu („Službene novine Općine Maglaj“, broj: 13/22), Općinsko vijeće Maglaj, na ____ redovnoj sjednici, održanoj _____ 2023. godine, donosi

ODLUKU

o raspodjeli sredstava za finansiranje političkih stranaka zastupljenih u Općinskom vijeću Maglaj za 2023. godinu

Član 1.

Ovom Odlukom uređuju se način i uslovi raspoređivanja sredstava za finansiranje parlamentarnih grupa političkih stranaka i samostalnih vijećnika koji učestvuju u radu Općinskog vijeća Maglaj (u daljem tekstu: Općinsko vijeće).

Član 2.

Ukupna sredstva za finansiranje parlamentarnih grupa političkih stranaka i samostalnih vijećnika iz člana 1. ove Odluke za 2023. godinu iznose 62.500,00 KM i osigurana su u Budžetu Općine Maglaj za 2023. godinu (Razdjel 10, Glava 101 Budžeta – Općinsko vijeće, Pozicija „Transferi finansiranja parlamentarnih grupa političkih stranaka“).

Član 3.

Sredstva za finansiranje parlamentarnih grupa političkih stranaka i samostalnih vijećnika koristit će se isključivo za finansiranje redovnog rada odnosno za ostvarivanje ciljeva utvrđenih njihovim programom i statutom.

Član 4.

Raspodjela sredstva iz člana 2. ove Odluke vršit će se na način da se:

- a) 30% sredstava dijeli jednako svim političkim strankama koje su osvojile mandate,
- b) 60% sredstava dijeli prema broju vijećničkih mandata koje svaka parlamentarna grupa političke stranke, odnosno samostalni vijećnici imaju u Općinskom vijeću,
- c) 10% od ukupnog iznosa raspoređuje se parlamentarnim grupama srazmjerno broju vijećničkih mjesta koja pripadaju manje zastupljenom spolu.

Član 5.

Sredstva iz člana 4. ove Odluke doznačavat će Služba za privredu, finansije/financije i razvoj poduzetništva na račune političkih stranaka, kao i na račune koje dostave samostalni vijećnici.

Član 6.

Političke stranke i samostalni vijećnici dužni su podnositi godišnje finansijske izvještaje o namjenskom utrošku doznačenih sredstava Službi za privredu, finansije/financije i razvoj poduzetništva i Službi Općinskog načelnika i Općinskog vijeća.

Ukoliko politička stranka, odnosno samostalni vijećnik u utvrđenom roku ne podnese izvještaj o utrošku doznačenih sredstava najkasnije do 31.3. tekuće godine za prethodnu godinu, obustavit će se daljnje isplate sredstava.

Član 7.

Političke stranke i samostalni vijećnici obavezni su dostaviti spiskove vijećnika koji čine parlamentarnu grupu u Općinskom vijeću.

Dokumentaciju o političkim strankama i samostalnim vijećnicima koji učestvuju u radu Općinskog vijeća, broju samostalnih vijećnika kao i broju vijećničkih mjesta koja pripadaju manje zastupljenom spolu, Službi za za privredu, finansije/financije i razvoj poduzetništva će blagovremeno dostavljati Služba Općinskog načelnika i Općinskog vijeća.

Naknadne promjene u vezi sa podacima iz prethodnog stava ovog člana uzet će se u obzir prilikom preračuna o raspodjeli sredstava početkom narednog mjeseca.

Član 8.

Za realizaciju ove Odluke zadužuju se Općinski načelnik, Služba za privredu, finansije/financije i razvoj poduzetništva i Služba Općinskog načelnika i Općinskog vijeća.

Član 9.

Ova Odluka stupa na snagu danom donošenja i bit će objavljena u „Službenim novinama Općine Maglaj“, a primjenjivat će se od 01.01.2023. godine.

PREDSJEDAVAJUĆA

Svjetlana Zamboni

O b r a z l o ž e n j e

PRAVNI OSNOV

Članom 18. Statuta Općine Maglaj–prečišćeni tekst („Službene novine Općine Maglaj“, br. 8/07, 3/08 i 6/08) propisano je da Općinsko vijeće Maglaj u okviru svojih nadležnosti donosi odluke, rješenja, propise i opće akte.

Članom 3. stav (1) alineja e) Zakona o finansiranju političkih stranaka („Službeni glasnik BiH“, br. 95/12 i 41/16) propisano je da se politička stranka može finansirati iz budžeta Bosne i Hercegovine, u skladu s članom 7. ovog Zakona, entitetskih budžeta, kantonalnih budžeta i budžeta Brčko Distrikta Bosne i Hercegovine, te budžeta drugih jedinica lokalne uprave i samouprave u skladu sa zakonom.

Članom 31. Odluke o izvršavanju Budžeta/Proračuna Općine Maglaj za 2023.godinu („Službene novine Općine Maglaj“, broj: 13/22) propisano je da sredstva utvrđena u Razdjelu 10, Glava 101 Budžeta – Općinsko vijeće, Pozicija „Transferi finansiranja parlamentarnih grupa političkih stranaka“ rasporedit će se na korisnike, tako da se 30% sredstava raspoređuje jednako svim parlamentarnim grupama političkih stranaka, a 60% od ukupnog iznosa se raspoređuje parlamentarnim grupama političkih stranaka srazmjerno broju vijećničkih mjesta, koje svaka parlamentarna grupa političke stranke ima u trenutku raspodjele, dok se 10% od ukupnog iznosa raspoređuje parlamentarnim grupama srazmjerno broju vijećničkih mjesta koja pripadaju manje zastupljenom spolu.

RAZLOZI ZA DONOŠENJE

Općinsko vijeće Maglaj donosi odluku o raspodjeli sredstava za finansiranje političkih stranaka koje su zastupljene u Općinskom vijeću Maglaj, a na osnovu usvojenog Budžeta Općine Maglaj za datu fiskalnu godinu.

U skladu sa Zaključkom Općinskog vijeća Maglaj broj: 02-04-1-131-6/23 od 31.01.2023. godine, Općinsko vijeće Maglaj se aktom broj: 02-45-1-205/23 od 07.02.2023. godine, obratilo Centralnoj izbornoj komisiji Bosne i Hercegovine, kako bi se dobilo mišljenje o statusu pojedinih političkih stranaka, primjeni Zakona o finansiranju političkih stranaka, prijedlogom Odluke o finansiranju političkih stranaka koje učestvuju u Općinskom vijeću Maglaj za 2023. godinu.

Centralna izborna komisija Bosne i Hercegovine je aktom broj: 03-07-6-181-2/23 od 15.02.2023. godine Općinskom vijeću Maglaj dostavila odgovor (u prilogu ove Odluke) i navela da analognim tumačenjem člana 3. stav (1) tačka e) i člana 7. stav (1) i (6) Zakona o finansiranju političkih stranaka proizilazi **da detaljan način raspodjele sredstava iz budžeta općine za finansiranje političkih stranaka, koalicija političkih stranaka, nezavisnih kandidata i lista nezavisnih kandidata treba biti regulisan aktom općinskog vijeća.**

FINANSIJSKA SREDSTVA

Za realizaciju ove Odluke osigurana su finansijska sredstva u visini od 62.500,00 KM u Budžetu Općine Maglaj za 2023. godinu.

Obradivač: Emina Hasanić

Emina Hasanić

PREDLAGAČ
OPĆINSKI NAČELNIK

Mirsad Mahmutagić



Broj: 03-07-6-181-2/23
Sarajevo, 15.02.2023. godine
S.R.

OPĆINA MAGLAJ
Općinsko vijeće
Viteška ulica br.4
74250 Maglaj

FEDERACIJA BOSNE I HERCEGOVINA
OPĆINA MAGLAJ
Služba za boračko-invalidsku i socijalnu zaštitu
opću upravu i društvene djelatnosti

PRIMLJENO	17.02.2023.		
Reg. jedinica	Alatni datumi	Redni broj	Br. priloga
		1311	

PREDMET: Odgovor, daje se

Dana 13.02.2023. godine Centralnoj izbornoj komisiji Bosne i Hercegovine dostavljen je vaš akt, broj: 02-45-1-205/23 od 07.02.2023. godine sa upitom o statusu političkih stranaka Nezavisna bosanskohercegovačka lista i Stranka demokratske aktivnosti, te da li se sredstva iz člana 7. Zakona o finansiranju političkih stranaka raspoređuju političkoj stranci ili samostalnom vijećniku koji je istupio iz Nezavisne bosanskohercegovačke liste. Drugo pitanje na koje tražite odgovor je da li se sredstva predviđena za finansiranje političkih stranaka raspodjeljuju političkoj stranci prema broju osvojenih mandata na Lokalnim izborima 2020. godine, bez obzira što je vijećnik istupio iz te političke stranke ili se predviđeni iznos uplaćuje na račun samostalnog vijećnika.

S tim u vezi, obavještavamo vas o sljedećem:

Uvidom u službenu evidenciju Centralne izborne komisije Bosne i Hercegovine, političke stranke Stranka demokratske aktivnosti i Nezavisna bosanskohercegovačka lista se vode kao aktivne političke organizacije. Status transakcijskih računa poslovnih subjekata možete utvrditi uvidom u Jedinstveni registar računa u Bosni i Hercegovini koji se vodi kod Centralne banke Bosne i Hercegovine.

Političke stranke mogu se finansirati iz budžeta na način kako propisuje član 3. stav (1) tačka e) Zakona o finansiranju političkih stranaka („Službeni glasnik BiH“ broj 95/12 i 41/16), odnosno politička stranka može da obezbijedi sredstva iz budžeta BiH u skladu s članom 7. ovog Zakona, entitetskih budžeta, kantonalnih budžeta i budžeta Brčko Distrikta BiH, te budžeta drugih jedinica lokalne uprave i samouprave, u skladu sa zakonom.

U skladu sa odredbom člana 7. stav (1) Zakona o finansiranju političkih stranaka u budžetu institucija Bosne i Hercegovine osiguravaju se sredstva za finansiranje političkih stranaka, odnosno koalicija političkih stranaka i nezavisnih kandidata zastupljenih u Parlamentarnoj skupštini Bosne i Hercegovine i parlamentarnih grupa, odnosno klubova poslanika i delegata u Parlamentarnoj skupštini Bosne i Hercegovine.

Član 7. stav (6) Zakona o finansiranju političkih stranaka propisuje da će zajednička komisija za administrativne poslove Parlamentarne skupštine Bosne i Hercegovine svojim aktima detaljnije regulisati raspodjelu sredstava iz ovog člana, kontrolu trošenja i druga finansijska pitanja u vezi sa provođenjem ovog Zakona.

Analognim tumačenjem navedenih odredaba Zakona proizilazi da detaljan način raspodjele sredstava iz budžeta općine za finansiranje političkih stranaka, koalicija političkih stranaka, nezavisnih kandidata i lista nezavisnih kandidata treba biti regulisan aktom općinskog vijeća.

S poštovanjem,

Dostaviti:

- Naslovu
- a/a

Predsjednik
Suad Arnautović
Dr. Suad Arnautović

1. The first part of the document
 discusses the importance of
 maintaining accurate records
 for all transactions. It
 emphasizes that proper
 bookkeeping is essential
 for the success of any
 business.

2. The second part of the document
 provides a detailed overview
 of the various accounting
 methods and systems
 available to businesses.



Broj: 02-45-1-205/23
Maglaj, 07.02.2023. godine

Centralna izborna komisija Bosne i Hercegovine
Danijela Ozme 7
71000 Sarajevo

PREDMET: Mišljenje, traži se

Općinsko vijeće Maglaj je na 23. redovnoj sjednici, održanoj 31.01.2023. godine, kao tačku dnevnog reda razmatralo Prijedlog Odluke o finansiranju političkih stranaka koje učestvuju u Općinskom vijeću Maglaj u 2023. godini.

Na Lokalnim izborima 2020. godine na području općine Maglaj mandat u Općinskom vijeću Maglaj su osvojile sljedeće političke stranke: SDP BiH, SDA, HDZ BiH, DF, A-SDA, SBB BiH i NBL. Od potvrđivanja rezultata Lokalnih izbora 2020. godine do danas pojedini vijećnici su istupili iz političkih stranaka SBB BiH i NBL, te u Općinskom vijeću Maglaj nastupaju kao samostalni vijećnici.

Vijećnik političke stranke SBB BiH je dana 23.09.2021. godine obavijestio Općinsko vijeće Maglaj da dalje djeluje kao samostalni vijećnik.

Vijećnik političke stranke NBL je dana 07.10.2021. godine obavijestio Općinsko vijeće Maglaj da napušta NBL i postaje samostalni vijećnik.

Vijećnica političke stranke A-SDA je aktom broj: 9/22 od 06.09.2022. godine obavijestila Općinsko vijeće Maglaj da nastupa kao vijećnica političke stranke NES.

Vijećnik političke stranke SDP BiH je dana 30.09.2022. godine obavijestio Općinsko vijeće Maglaj da prestaje biti član Kluba vijećnika SDP-a u Općinskom vijeću Maglaj i da će u narednom periodu djelovati kao samostalni vijećnik.

Članom 7. stav (3) Zakona o finansiranju političkih stranaka („Službeni glasnik BiH“, br. 95/12 i 41/16) propisano je da političkim strankama, odnosno koalicijama političkih stranaka sredstva iz stava (1) ovog člana raspodjeljuju na način da se:

- a) 30% sredstava dijeli jednako svim političkim strankama, odnosno koalicijama političkih stranaka koje su osvojile mandate,
- b) 60% sredstava dijeli prema broju poslaničkih, odnosno delegatskih mandata, koje svaka politička stranka, koalicija političkih stranaka, odnosno nezavisni kandidat ima u trenutku dodjele mandata,
- c) 10% od ukupnog iznosa raspoređuje parlamentarnim grupama srazmjerno broju poslaničkih, odnosno delegatskih mjesta koja pripadaju manje zastupljenom spolu.

S obzirom da se Odluka o finansiranju političkih stranaka koje učestvuju u Općinskom vijeću Maglaj donosi na godišnjem nivou, potrebno nam je pojašnjenje na sljedeća pitanja:

1. Kakav je status političkih stranaka NBL i A-SDA, odnosno da li te dvije političke stranke koje su osvojile mandat na Lokalnim izborima 2020. godine i dalje postoje i da li su njihovi računi aktivni? Da li se sredstva iz člana 7. Zakona o finansiranju političkih stranaka raspoređuju političkoj stranci ili samostalnom vijećniku koji je istupio iz NBL-a?

2. Da li se sredstva predviđena za finansiranje političkih stranaka raspodjeljuju političkoj stranci prema broju osvojenih mandata na Lokalnim izborima 2020. godine, bez obzira što je vijećnik istupio iz te političke stranke ili se predviđeni iznos uplaćuje na račun samostalnog vijećnika?

Dosadašnja praksa je bila da Općinsko vijeće Maglaj svojom Odlukom finansira samostalne vijećnike, na način da je dio sredstava koja su predviđena raspodjelom za političke stranke prema broju osvojenih mandata u toj političkoj stranci, bio uplaćen na račun samostalnog vijećnika.

U prilogu dostavljamo na uvid i mišljenje Prijedlog Odluke o finansiranju političkih stranaka koje učestvuju u Općinskom vijeću Maglaj u 2023. godine.

Nadalje, obavještavamo vas da je sjednica Općinskog vijeća Maglaj planirana krajem februara, a da je Kolegij Općinskog vijeća Maglaj potrebno održati najkasnije do 20.02.2023. godine.

S tim u vezi, molimo da nam odgovor po ovom aktu dostavite najkasnije do 17.02.2023. godine.

S poštovanjem,

DOSTAVLJENO:

1. Naslovu
2. a/a



PREDSJEDAVAJUĆA

Svjetlana Zamboni